



A Xunta vén de presentar máis datos sobre o [Plano de Residuos Urbanos de Galiza 2010-2020](#) ( [2.34 Mb](#) ) confirmando a forte aposta do goberno Feijóo pola incineración. Fronte á realidade das cifras que amosan o rotundo fracaso de SOGAMA,

### **novo PXRSUG aposta novamente pola incineración**

(que chucha o 60% do investimento en infraestruturas e o 48% do orzamento total) cunha nova planta incineradora no Sur

*sine loci*

, e a ampliación da de Cerceda.

A parte do rato, un 12,5% dos cartos, investiranse en 7 novas plantas de compostaxe e un número indeterminado de "miniplantas" locais, para deste xeito cumprir sobre o papel coa Directiva Marco de Residuos (2008/98). Malia á escandalosa manipulación dos datos neste informe (Nostián e Barbanza non reciclan envases!!?, cando en 2008

[triplicaban en porcentaxe a SOGAMA](#)

), a Xunta non pode ocultar que

### **os sistemas alternativos xa cumpren a día de hoxe os obxectivos de reciclaxe do PXRSUG para 2020**

. O problema é pois SOGAMA e seu modelo, defendido contra toda lóxica polo PP, que afunde os índices de reciclaxe galegos a niveis

### **terceiromundistas**

.

A

### **redución**

, primeira prioridade e base de calquera sistema de xestión dos RSUs, ten tamén neste PXRSUG uns obxectivos ben cativos: o 10% no 2020 con respecto aos valores de 2009. Se só a crise económica foi quen de rebaixar a xeración de residuos case nun 1% anual, sen as institucións teren feito nada nen investido un só euro en redución, fixar o obxectivo do 10% para o 2020 gastando 56,1 millóns de € en políticas de prevención, reflicte ben ás claras a ineptitude/ineficacia/desleixo da Xunta por diminuír seriamente a produción de lixo.

Este PXRSUG 2010-2020 ten uns

### **obxectivos para a compostaxe da materia orgánica**

en 2020 do 25%. A día de hoxe, Nostián e sobor de todo Barbanza superan de longo estes obxectivos (43,2% e 44,9% -netos- respectivamente) mentres que SOGAMA e o modelo vertedoiro empatan cun 0%. O mesmo acontece coa recollida selectiva das outras fraccións, p. ex. o vidro: Nostián e Barbanza xa están nos obxectivos de 2020 gañando por goleada a

SOGAMA ao igual que no resto das fraccións, malia á "incineración" interesada dos datos sobre recollida de envases de Lousame e Nostián que para a Xunta do PP é practicamente cero en 2009 cando en 2005 (datos do PXRSUG do bipartito) chegaba ao 41%, fronte ao ridículo 10% de SOGAMA. Isto revela que SOGAMA e o seu modelo incineratorio afunde os índices de recollida selectiva e reciclaxe galegos a niveis terceiromundistas, mentres que os dos sistemas alternativos sitúanse en liña ou por riba das previsións máis avanzadas de Europa.

A

### **incineradora de SOGAMA**

está consumindo actualmente máis enerxía da que produce. Según a memoria de actividade da compañía en 2008 a incineradora xerou 459.867 Mw e consumiu 507.914 Mw de gas natural para secar a auga dos residuos. Este ruinoso negocio levou a que a nova propietaria de SOGAMA, Gas Natural-U. Fenosa pensara en vender o 49% que ten en SOGAMA. Con tais precedentes, a Xunta pretende que o

### **capital privado**

financie o 82% do orzamento do PXRSUG, en particular outra custosísima incineradora (230 millóns de €, a metade do orzamento total). E todo isto, a cambio de que? A aperta de Galán (Presidente de Iberdrola) a Feijóo no Obradoiro pode ter que ver con algo máis que muíños e encoros.

Neste avance recóllese tamén o fomento do

### **mercado da reciclaxe**

sen contemplar investimento algún en plantas recicladoras finais. Estes valiosos materiais iranse fóra de Galiza onde criarán emprego, ficando os impactos vertedoiros, as dioxinas e as cinsas tóxicas no país.

Finalmente, a

### **temporalización**

das actuacións (posta en marcha das novas instalacións no 2014) fará que *de facto*

este PXRSUG non chegue a aplicarse. A Xunta de Feijóo so quere cumprir o expediente fronte a Europa, dándose por satisfeita co recentemente aprobado "recrecido" do vertedoiro da Areosa en Cerceda: máis lixo enriba do lixo, e tiramos até eleccións de 2013. O mesmo cabe pensar da teima por manter a ubicación da incineradora do sur e demais infraestruturas en segredo: a consigna é evitar abrir máis fronteiras nas rúas e posíbeis repercusións electorais. Como senon pode explicarse tal "secretismo" sobre a ubicación, cando precisamente esta é un dos factores determinantes para a correcta planificación de todo o sistema?

En próximas entregas seguiremos debuzando polo miúdo os diversos aspectos deste trapalleiro PXRSUG.

